

詞

綜

補

遺

詞綜補遺卷九

長洲 陶樸 緝

宋詞八十首

趙崇嶠 十九首

楊伯喈 一首

李仁本 三首

周晉 二首

張樞 九首

徐南溪 一首

趙汝茂 九首

趙希彭 二首

蕭翦 三首

蕭泰來 一首

徐元杰 一首

陸叟 二首

劉之才 七首

胡翼龍 十四首

張友仁 一首

吳千能 一首

徐逸 一首

曾原一 三首

趙崇嶠

字漢宗號白雲山人居南豐嘉定十六年進士授石城令改淳安嘗監豐儲倉因冬至災異疏言鄭清之輔政非材尋以言去國久之起監都進奏院官至大宋宗室世系表簡王元份九世孫汝悉長

子有白雲小藥一卷詞附

隱居通議趙宗丞白雲爲人清俊灑落富有文采超然爲宗籍冠詩如漢月通江白秦雲入塞黃鷺依江渚冷雁入楚雲深天形低赴海潮勢直通吳月入星辰大山明天地秋皆一時傳誦平生善作數尺字筆法遒勁江浙名篇多出公手

如夢令

日日酒圍花陣畫閣紅樓相近殘月醉歸來長是雨羞

雲困低問低問獨自繡幃睡穩

又

牕外燕嬌鶯妬牕下夢魂無據夢好卻頻驚不到綵雲  
深處無緒無緒紅重一簾花雨

更漏子

玉搔頭金約臂嬌重不勝殘醉留粉黛暈顰脂淺寒生  
玉肌待歸來渾未準疑殺那回書信春又好思無窮  
捲簾花露濃

謁金門

春尙淺江上柳稍風軟銷盡玉梅春不管冷香和夢遠

言系不  
脉脉綠牕新怨花勝無心重翦簾押護香閣不捲捲  
簾芳事徧

又

春意泄香重一枝梅雪寒透玉壺冰暗結玉奴情更劣  
似語還羞奇絕妬白憐紅時節酒力未醒雙眼纈一  
簾風弄月

又

晴意早簾外數聲啼鳥有約不來春夢杳瑣牕微弄曉  
江上殘梅未掃葉底芳桃紅小天遠斷雲塵不到過  
春還草草

又

春意薄江上晚來風惡簾外海棠花半落睡深渾未覺  
夢想當年行樂新恨暗添金鵲寫就錦箋無處託去  
鴻天一角

清平樂

懷人

鶯歌蝶舞池館春多處滿架花雲留不住散作一川香  
雨相思夜夜情悰青衫淚滿啼紅料想故園桃李也  
應怨月愁風

又

妬紅欺綠輕浪潮溫玉鸞袖捲香金罍歎嬌怯未消寒

菓錦衾初罷承歡宿妝微褪香彎醉眼乍鬆還困斷  
雲猶繞巫山

南柯子 小妹

絲髮風輕掠酥胸冷不侵背人小立卸瑤簪一縷柔情  
繫得幾人心曲檻花方蓓河橋柳未陰紅羞綠困不  
能禁惱亂東風無計等春深

又

掩笑輕擡袖慵妝淺畫眉嫩晴簾箔玉梅飛門外輕寒  
疎柳趁黃時綰帶香羅結交釵綠玉枝看看又誤踏  
青期倚徧欄干心事只春知

望海潮 泛舟

輕雲過雨炎暉初減樓頭片片餘霞曲徑通幽小欄斜  
護水天薄暮人家暝色趣歸鴉竹風交立玉清透牕紗  
斷岸漣漪亂萍芳葦繞烟沙 依稀畫艇蓮娃掩鮫綃  
微沁急漿呖啞香霧霏微冷光搖曳姪紅深映低花天  
際玉鈎斜磯邊菱唱答鶯斷鳴蛙滿棹白蘋歸去幽興  
繞天涯

沁園春

紫陌芳塵烟縷收寒雨絲過雲美交陰桃葉牕前曲檻  
認巢燕子柳底朱門回首年時霧鬢風袖裏裏娉娉嬌



上春逢迎處儘芳華繾綣玉佩慙慙誰知此際銷魂  
慢隱約人前笑語溫記掌中纖細真成一夢花時怨憶  
應爲雙文載酒心情教眉詩句空悔風流曾誤人憑誰  
去待寄將恨事兩處平分

摸魚兒

捲珠簾幾番花信輕寒猶自成陣一年芳事如朝夢容  
易綠深紅褪寒食近惟自有斷腸垂柳禁春困瑣牕深  
靜悄疊損縷衣凝塵暗掩金斗熨清潤章臺恨準擬  
芳期未穩舊遊細把重忖鑑鸞釵鳳平分久留取年時  
心印誰與問待試寫花箋密寄教郎認妬香憐粉欲寫

卻還羞輕顰淺歎字字攪方寸

蝶戀花

見絕妙好詞

一翦微寒禁翠袂花下重開舊燕添新壘風旋落紅香  
匝地海棠枝上鶯飛起薄霧籠春天欲醉碧草澄波  
的的情如水料想紅樓挑錦字輕雲淡月人憔悴

菩薩蠻

桃花相向東風笑桃花忍放東風老細草碧如烟薄寒  
輕暖天折釵鸞作股鏡裏參差舞破碎玉連環捲簾  
春睡殘

過秦樓

和美成韻

見陽春白雪

隱枕輕潮拂塵疎雨幽夢似真還斷鶯雛燕婉依約年  
時花下試翻歌扇憔悴鬢怯輕寒慢掠輕絲柳風如箭  
甚陽臺縹緲行雲無準楚天空遠應喚覺當日琴心  
祇今詩思惆悵客衣塵染釵留股玉鞭襲鈎羅荏苒賦  
寒香變問訊多情別後笑巧顰嬌對誰長倩但晚來江  
上眼迷心想越山兩點

歸朝歡

翠羽低飛簾半揭寶簾牙牀涼似雪窗虛雲母淡無風  
隔牆花動黃昏月玉釵鸞墜髮盈盈白露侵羅襪記逢  
迎鴻驚燕婉燈影弄明滅蜀雨巫雲愁斷絕羅帶同

心留綰結交枝紅豆雨中看爲君滴盡相思血染衣香  
未歇夜闌天淨魂飛越正銷凝一庭秋意烟水浸空濶

戀繡衾

梅

江烟如霧水滿汀早梅花偏占淺清倚翠竹寒無力想  
瀟湘斜日暮雲幾回夢斷陽臺曲問百花猶隔幾塵  
趁月夜霜風峭約彩鸞同載玉笙

楊伯岳

字彥瞻號泳齋楊和王諸孫居臨安淳祐間  
除工部郎出守衢州有六帖補二十卷九經

韻一卷

行世

鐵網珊瑚載薛尚功摹鐘鼎彝器款識真蹟  
有嘉熙三年冬十有一月望後十一日外孫  
朝請郎新知江口軍事楊伯岳拜觀於廿四  
叔外翁書室後二十年弁陽周密得之外舅

詠齋書房

踏莎行

雪中疏寮借閣帖更以微露送之

見

絕妙好詞

梅觀初花蕙庭殘葉當時慣聽山陰雪東風吹夢到清  
都今年雪比前年別重釀宮醪雙鈎官帖伴翁一笑  
成三絕夜深何用對青藜窗前一片蓬萊月

李仁本

字裕齋

按宋稗類鈔隆國黃夫人湖州德清人初入  
魏叔高家既出復歸李仁本媵其女入榮邸  
時嗣王與芮無子一幸而得男是爲度宗云  
云宋詩紀事亦不詳仁本官閥觀詞中金帶  
紫袍之語或緣榮邸得此恩澤耳

桂殿秋

見洞霄詩集

飛翠蓋走藍輿亂山千疊爲先驅洞天迎目深且窈滿  
耳天風吹步虛

又

巖獸石錯虬松黛嵐終日下天風杖藜攜我恣遙望縹  
渺霓裳飛碧空

又

金帶重紫袍寬到頭不似羽衣閒君王若許供香火神  
武門前早挂冠

周

晉

字叔明號嘯齋密之父

清平樂

見絕妙好詞

圖書一室香暝垂簾密花滿翠壺熏研席睡覺滿窓晴  
日手寒不了殘碁篝香細勘唐碑無酒無詩情緒欲  
梅欲雪天時珊瑚網載郭畧跋云大德十一年歲丁未  
十月初十日客寓燕山奔走暮歸黃塵滿  
面挑燈讀此詞一過想像江南如夢中也

柳梢青

楊花

似霧中花似風前雪似雨餘雲本自無情點萍成綠却  
又多情 西湖南陌東城甚管定年年送春薄倖東風  
薄情游子薄命佳人

張樞

字斗南號雲窓又稱寄閒  
翁西秦人徽之孫炎之父

周公謹云斗南筆墨蕭爽人物醞藉善音律  
富度依聲集百闕音韻諧美真承平佳公子

也

詞源云先人曉暢音律有寄閒集旁綴音譜刊行於世每作一詞必使歌者按之稍有不協隨卽改正曾賦瑞鶴仙云云

瑞鶴仙

見絕妙好詞

捲簾人睡起放燕子歸來商量春事芳菲

一作風光又無一作

能

幾減風光  
一作芳菲  
都在賣花聲裏吟邊眼底被嫩綠移

紅換紫甚等閑半委東風半委小橋流水

還是苔痕

滿雨竹影留雲待晴猶未蘭舟靜艤西湖上多少歌吹

粉蝶兒守定落花不去閒了尋香兩翅怎知人一點新

愁寸心萬里

此詞與詞源字小異

風入松



春寒嬾下碧雲樓花事等閒休紅絲濕透秋千索記伴  
仙曾倚嬌柔重疊黃金約臂玲瓏翠玉搔頭熏爐誰  
熨暖衣篝消遣酒醒愁舊巢未著新來燕任珠簾不上  
瓊鈎何處東風院字數聲揭調甘州

南歌子

柳戶朝雲濕花朝午篆清東風未放十分晴留戀海棠  
顏色過清明壘潤樓新燕籠深鎖舊鶯琵琶可是  
不堪聽無奈愁人把做斷腸聲

壺中天

月夜登繪幅堂與箕房各賦一解

雁橫迴碧漸烟收極浦漁唱催晚臨水樓臺乘醉倚雲

引吟情閒遠露脚飛涼山眉鎖暝玉宇冰奩滿平波不  
動桂華底印清淺應是瓊斧修成鉛霜擣就舞霓裳  
曲遍窈窕西窗誰弄影紅冷芙蓉深苑賦雪詞工留雲  
歌斷偏惹文簫怨人歸鶴唳翠簾十二空捲

謁金門

春夢怯人靜玉闌平帖睡起眉心端正貼綽枝雙杏葉  
重整金泥蹀躞紅皺石榴裙摺款步花陰尋蛺蝶玉  
纖和粉捻

慶宮春

斜日明霞殘紅分雨軟風淺掠蘋波聲冷瑤笙情踈寶

扇酒醒無奈秋何彩雲輕散漫敲缺缺銅壺浩歌眉痕留  
怨依約遠峰學歛雙蛾銀牀露洗涼柯屏掩香消忍  
掃茵羅楚驛梅邊吳江楓畔庾郎從此愁多草蟲喧砌  
料催織迴文鳳梭相思遙夜簾捲翠樓月冷星河

戀繡衾

見浩然齋雅談

屏綃裊潤惹篆烟小窗閒人泥晝眠正雪暖茶蘼架奈  
愁春塵銷雁絃楊花做了香雲夢化池萍猶泛翠鈿  
自不怨東風老怨東風輕信杜鵑

清平樂

鳳樓人獨飛盡羅心燭夢繞屏山三十六依約水西雲

北 曉奩嬾試脂鉛一  
綢鸞髻微偏留得宿妝眉在要  
教知道孤眠

木蘭花慢

歌塵凝燕壘又軟語在雕梁記剪燭調絃翻香校譜學  
品伊涼屏山夢雲正暖放東風捲雨入巫陽金冷紅條  
孔雀翠閒綵結鴛鴦銀缸燄冷小蘭房夜悄怯更長  
待采葉題詩含情贈遠烟水茫茫春妍尙如舊否料啼  
痕暗裏迥紅妝須覓流鶯寄語爲誰老却劉郎

徐南溪

陸文圭詞源跋玉田張君著詞源上下卷推  
五音之數演六律之譜按月紀節賦情咏物

詞綜補遺卷九

自稱得聲律之學於守齋楊公南溪徐公  
按詞源序曰余疎陋謏才昔在先人侍側聞  
楊守齋毛敏仲徐南溪諸公商確音律嘗知  
緒餘南溪詞必多可採惜不多見也

瑞鶴仙

浣陽春白雪

暮霞紅映沼恨柳枝疎瘦不禁風攪投林數歸鳥更枯  
莖敲荻糝紅堆蓼江寒浪小雁來多音書苦少試看盡  
水邊紅葉不見有詩流到煩惱凭闌人去枕水亭空  
路遙天杳情深恨渺無計訴與伊道漏聲催門外霜清  
風細月色今宵最好怎割捨美景良時等閑睡了

趙汝茆

字參晦號霞山又號退齋宋宗室  
世系表簡王元份入世孫善官子

按周密攷羣十解有擬趙參晦醉落魄詞

浣溪沙

見陽春白雪

笑摘青梅傍綺疏  
數枝花影漾前除  
太湖石畔看金魚  
筓指曉寒慵出袖  
翠鬟春嬾不成梳  
爲君縫狹繡羅襦

清平樂

錦平香褪寒隱輕衫  
嫩燕子護泥飛不穩  
庭掩百花難認  
雙雙繡帶微風海棠  
此夜簾櫳愁口一番  
寒食小窗淡月殘紅

戀繡衾

柳絲空有萬千條  
繫不住溪頭畫橈  
想今宵也對新月

過輕寒何處小橋 玉簫臺榭春多少溜啼痕杏臉未  
消怪別來慙支慵傳被東風偷在杏梢

謁金門

羞說起嚼破白桃花蕊人在夕陽深巷裏燕兒來也未  
一樣半紅半紫雙鳳同心結子分在郎邊郎不記爲  
郎今拆碎

摘紅英

東風列紅梅拆畫簾幾片飛來雪銀屏悄羅裊小一點  
相思滿塘春草 空愁切何年微不歸也合分明說長  
安道簫聲闌去時驄馬誰家繫了

夢江南

簾不捲細雨熟櫻桃數點霽霞天又晚一痕涼月酒初  
消風緊絮花高蕭閑處磨盡少年豪昨夢醉來騎白  
鹿滿湖春水段家橋濯髮聽吹簫

如夢令

小砑紅綾箋紙一字一行春淚封了又親題題了又還  
拆起歸未歸未好箇瘦人天氣

梅花引

陽春白雪以爲無名氏作今從絕妙  
好詞改歸參晦

對花時節不會歡

一作  
吹

見花殘任花殘小約簾櫳一面

受春寒題破玉牋雙喜鵲香燼冷繞雲屏渾是山待



眠未眠事萬千也問天也恨天髻兒半偏繡裙兒寬了  
還寬自取紅氍重坐暖金船惟有月知君去處今夜月  
照秦樓第幾間

漢宮春

著破荷衣笑西風吹我又落西湖湖間舊時飲者今與  
誰俱山山映帶似攜來畫卷重舒三十里芙蓉步障依  
然紅翠相扶一目清無留處任屋浮天身上身集空虛  
殘燒夕陽過雁點點疎疎故人老大好襟懷消滅全無  
漫贏得秋聲兩耳冷泉亭下騎驢

趙希彭

字清中號十洲四明人寶慶二年進士宋  
宗室世系表燕王德昭九世孫師鄭長子

霜天曉角

桂

見陽春白雪

嫦娥戲劇手種長生粒寶幹婆娑千古飄芳吹滿虛碧  
韻色檀露滴人間秋第一金粟如來境界誰移在小  
亭側

秋蕊香

見絕妙好詞

髻穩冠宜翡翠壓鬢綵絲金蕊遠山碧淺蘸秋水香煖  
榴裙襯地 寧寧二八餘年紀惱春意玉雲凝重步塵  
細獨立花陰寶砌

蕭 巖

字則山號大山臨江人紹  
定中進士以太府丞奉祠

管大勲臨江府志蕭巖工篆隸凡名勝匾額  
多其所書尤善吟咏

梅礪詩話蕭大山贈陸水詩純用陸姓事詩云標格真清挾雪霜每聽新咏覺神傷茶分鴻漸經中味菊愛龜蒙賦裏香圃積玉多知學飽囊裝金少爲貪忙向來笑疾難醫在老筆空鈔十卷方與東坡贈張子野詩頗相類鴻漸對龜蒙尤的按樂雷發雪礪叢稿寄蕭大山兄弟云兄弟自爲千古計江湖方誦二蕭詩又訪蕭大山父子云家傳入葉鹽梅種詩接三蘇父子名可想見其一門風雅也

朝中措

見陽春白雪

半山社雨欲黃昏燕子不過門楊柳染深綠意海棠啼損紅痕  
綺寮粧束寶釵歌舞玉枕溫存一段舊情有味十分新恨無言

戀繡衾

倚闌閑看燕定巢舊彈箏因病久拋畫不盡殘眉黛被  
東風吹在柳梢 曉來暗理傷春曲把金釵枕畔細敲  
書寄與天涯去并相思紅淚一包

滿江紅

和陳漕使仙湖韻

莫是西湖分一派殘波剩碧閑問著鶯仙丹事老榕知  
得苕水帶長鷗踏損柳風絮暖魚吞入只前山依舊漢  
時青晴還濕 亭疎好何消密花少好無多植聽黃鸝  
三請要詩翁出消渴泉斟寒玉液留題石剝蒼苔色歎  
而今翻羨口南春乾坤窄

蕭泰來

字則陽號小山崩弟臨江人  
紹定二年進士有小山集

癸辛雜識云泰來理宗朝御史附謝丞相為右司李伯玉所劾姚希得指為小人之宗

霜天曉角

梅

見絕妙好詞

千霜萬雪受盡寒磨折賴是生來瘦硬渾不怕角吹徹清絕影也別知心惟有月元沒春風情性如何共海

棠說

庶齋老學叢談云此作與王瓦全梅詞命意措詞畧相似

徐元杰

字仁伯信州上饒人紹定五年進士第一累官國子祭酒權中書舍人拜工部侍郎謚忠

愍宋史有傳有梅莖集十二卷詞附

按宋史稱元杰當史嵩之起復攻之甚力卒寢成命後以暴疾卒人皆以為嵩之毒之臺諫及太學生徒上疏訟冤詔置獄追勘迄不能白趙汝騰序其集亦極言其死狀不明為可悲也

滿江紅 以梅花東鉛山宰

似玉仙人三載見西湖清客懶不碎一團和氣只伊消  
得雪裡冰中霜態度臘前冬後春消息看簾垂清晝一  
張琴中間著寒谷裏輕回脚魁手段堪描摸喚東風  
吹上蘭臺芸閣只怕傳巖香不斷摩挲商鼎羹頻作管  
一番滋味一番新今如昨

陸 徽

字景思號雲西會稽人佃五世孫紹定五年  
進士建康志淳祐中沿江制置使參議除禮  
部員外郎崇政殿說書

瑞鶴仙

見陽春白雪

濕雲粘雁影望征路愁迷離緒難整千金買光景但疎

詞苑選卷九  
鐘催曉亂鴉啼暝花惊暗省許多情相逢夢境便行雲  
都不歸來也合寄將音信孤迴盟鸞心在跨鶴程高  
後期無準情絲待剪翻惹得舊時恨怕天教何處參差  
雙燕還染殘朱賸粉對菱花與說相思看誰瘦損

八聲甘州

送翁時可如宛陵

問纏腰跨鶴事如何人生最風流怕江邊潮汐世間歧  
路只是離愁白馬青山往事贏得鬢先秋目送紅橋晚  
幾番行舟蘭佩空餘依黯便南風吹水人也難留但  
從今別後我亦似浮漚敬亭上半床琴月記彈將寒影  
落南州秋聲裏塞鴻來後爲爾登樓

劉之才

字賓玉  
號藥房

聲聲慢

和陸景思黃木香

見陽春白雪

羞朱妬粉染霧裁雲澹然蒼珮仙裳半額峰粧莫道梳  
洗家常碧羅亂縈小帶翠蛟寒一架春香清思苦憶晴  
嬌無力如待韓郎密幄籠芳吟夜任露沾輕袖月轉  
空梁弱骨柔姿偏解勾引詩狂遺鈿碎金滿地恨無情  
風送韶光閑晝永看青青垂蔓過牆

蘭陵王

賦胡伯雨別業

此何夕天水空明一碧商量賦如此江山幾箇斜陽了  
今昔荒臺步晚色沙鳥依稀曾識啼鶻外人遠未歸江



言絲補遺卷九  
闊晴虹卧千尺 殘碑蘚痕積記當日清遊夫君題墨  
碧瑤仙去蒼雲隔飛一鏡秋冷列屏天遠雞聲人語半  
郊邑寄情又江國 愁絕怕聞笛正怨苦溪猿飛倦汀  
翼陰陰翡翠迷津驛慨世事塵化吾心形役清吟孤往  
渺醉影夜翠濕

玲瓏四犯

幾疊雲山隔不斷闌干天外疑眺秋與愁併梧逕雨痕  
先表嬌夢半握芙蓉奈曲曲翠屏深窈問愁根當年誰  
種漠漠淡煙衰草 鴛鴦嬾拂蘋花影記眉嫵縈情多  
少輾轡玉虎牽絲轉聽盡秋缸曉算誰念卧雲衣冷香

壓金蟾小寫新詞先寄江鴻歸去且教知道

聲聲慢

五日

湘雲織玉楚葛篝香澡蘭簾幙風靜怨抑難招沉魄當年獨醒莫唱江南古調念天涯深情誰省時暗換最秦樓悵望歸期無定曾是榴裙誤寫怕照眼枝頭絳綃花並巧篆盤絲午鏡綠窻閑影香蒲也應細剪但年年斷零愁冷迎醉面看銀蟾飛浴露井

賀新郎

憶鶴

蒼蘚粘溪路悵山君翛然羽化夢魂何許曾約秋雲紫客衲舞傍吟臯硯塢矯清唳裂雲穿宇江碧空濛無處

問問孤山梅底人知否烟夜永耿心語 瑤華一去成  
幽阻倚修篁抱琴愁絕天寒日暮城郭悲歌華表恨此  
事銷凝千古有招隱小山能賦蕙帳空今誰夜怨算課  
騷讀易俱淒楚步深窈墮松露

菩薩蠻

題花曾蘸花心露當初誤結丁香樹往事小蠻窻新愁  
桃葉江 緩歌留薄醉急轡人千里梅瘦月闌干斷雲  
春夢寒

解連環

晚雲粘濕正吳峰慘淡雨迷烟接早陡頓秋事分攜甚

連苑莫墻菊荒苔匝空闊愁鄉更天外怨鴻聲急怕吟  
肩易瘦料理篝衣細認香摺銀缸半明半滅念花管  
柳陣何日消歇可是凝黯蘭成爲情潤才鬆歷賦多愜  
洛浦溟濛漫佇想明璫鈎襪告梧桐夜深暑住夢時一  
霎

胡翼龍

字伯雨  
號蒙泉

按伯雨履貫未詳劉藥房有賦胡伯雨別業  
及和陸景思黃木香二詞當爲理宗時人今  
以次附於後

宴清都

見陽春白雪

夢雨隨春遠征衫薄短篷猶逗寒淺裁芳付葉書愁沁

壁水窻竹院別來被箚梅潤暗塵積舊題紉扇許多時  
間了闌干放得蘚痕青滿誰念杜若還生蘋花又綠  
不堪重口山程水記茶經硯譜共誰閑展湖山舊會游  
徧不惟近番心懶恰今朝水落洲平江上楚帆風轉

### 徵招

蘋花又綠江南岸賓鴻帶將寒去幾許落梅愁渺暗香  
何處一春長是雨剝費却翠箚沈炷冷隔簾旌潤銷窻  
紙有人吟苦燕壘漬芹香畫堂永關心去年情緒愁  
壓曲屏深更小山無數濺裙舊事誤口口口口口口  
口朱闌不了銷凝移損秦箏柱

八聲甘州

甚年年心事占秋多芳洲亂蕪生正小山已桂東籬又  
菊秋爲人清腸斷洞庭葉下倚西風誰可寄芳蘅嫋嫋  
愁余處欲醉還醒爲問素娥飲否自謫仙去後知與  
誰明耿盈盈如此分影落瑤舫步高臺夜深人靜有飛  
仙同跨海山鯨歸來也遠游歌罷失却秋聲

洞仙歌

半闌花雨是夜來凭處夢過溪橋逢柳住亂鶯聲殘酒  
醒正是關情小枕上吟就迴文錦句歸鴻應別浦綠  
漲瀾茫早近湖陰喚船路覽芳菲歌窈窕獨立莎根剩

詞餘補遺卷九  
一掬閒情淒楚口欲待折微馨寄相思又怕相思帶  
將愁去

滿庭芳

愁徹閑花吟枯視海日長多費茶烟懷芳心苦特此過  
年年雨外飛紅何許應流到采綠洲邊銷凝處別離情  
緒正是海棠天吹花題葉事如今夢裡記得依然料  
歸來鶯居春後燕占人先誰念文園倦客琴空在嬾向  
人彈愁何極楚天老月偏是到窻前

鷓鴣天

六曲銀屏夢隔雲半分鸞影匣生塵別來可是春愁覺

試著輕衫不貼身 風月夜短長亭也須聞得子規聲  
歸時莫看花梢上但看芳洲綠幾深

少年游

曉鶯聲脆雨花乾倦枕夢初殘衣漬香留窻深紙暗把  
鏡近檐看 斷雲壓損溪橋柳花逕雪闌斑深倚屏根  
閑敲詩字酒醒倍春寒

霓裳中序第一

江郊雨正歇燕子飛來人憶別未了殘梅怨結渺野色  
波光春與天接相思遶閣怕柳風吹老吟髮關情處滿  
汀芳艸遮莫是鷓鴣 時節一晌愁絕謾料理新翻幾



關山尊堪共誰設夢到斷橋飛絮仍雪歲華休省閱早  
霍地小園花發已辦著海棠開後獨立半廊月

夜飛鵲

星橋度情處地久天長塵世無此匆忙纖雲淡蕩涼蟾  
小家家瓜果錢塘愁人獨無那歎紫簫易斷青翼難將  
返魂何在漫空留荀令餘香思記穿針兒女簪塵想  
都暗疊損衣裳誰念才情未減老來何遜少日盧郎柳  
風荷露黯銷凝羅扇練囊更銀河曲曲玉籤點點都是  
淒涼

西江月

水霽芹香燕觜林深風暖鶯吭一春心事錦機傍忘却  
尋芳模樣 柳絮池塘晝午梨花院落昏黃闌干曲曲  
是回腸倚到西廂月上

踏莎行

合數冰蓮注情金葉臂痕猶記喚時迹小樓幾個月黃  
昏荷香柳影都知得 問字燈深學書窻黑衣襟詩卷  
留殘墨相思不抵藕絲長夢雲斷處吳山碧

又

照眼菱花翦情菰葉綵雲散後無蹤跡聽郎言語識郎  
心當時一點誰消得 柳暗花明螢飛月黑臨窻滴淚

研殘墨合歡帶上舊題詩如今化作相思碧

南歌子

山枕鶯聲曉羽觴花片飛昨朝猶道未成歸不記春衫  
襟上舊題詩愁眼垂楊見苦心紅燭知翻成怕見別  
離時只寄一聲將息當相思

長相思

題甘樓

南山鐘北山鐘一聽鐘聲百念空古今昏曉中望秋  
風數秋風等得秋來等過鴻燈前書一封

張友仁

字仲父晉陵人  
官永州府丞

水調歌頭

紹定庚寅二月十六日遊淡巖賦  
見淡巖石刻

石屋勢平曠峭壁幾巉巖妙哉天造地設誰復謂神剌  
疇昔涪翁題品曾記塵寰稀有豈特冠湘南趁取脚輕  
健相與上高寒 避秦者君莫問意其間祖龍文密至  
今草木尙愁顏贏得功成丹鼎久矣乘風而去跨鶴與  
驂鸞猶有白雲在鎮日繞禪關

吳千能

水調歌頭

款署伊維吳千能守瀟湘入閩月迺得游淡巖真天下奇觀也賦水調刻諸石

弟千兕子奕侍客蔣涇曹昌佑偕行紹定庚

寅清明日

見淡巖石刻

澹氏人安在縹緲九霄間我來唯有石屋周覽百尋寬  
一曲中分夷險兩牖空光平布滿洞貯清寒高致自堪

言系和選卷六  
三  
仰何必論金丹 周賢士知此意薄秦官一牀一枕依  
然猶伴白雲閑門外俗塵如海門裏道心如水談笑足  
迴瀾此事無今古不信叩喻山

徐逸

字無競號抱獨子天台人

梅磻詩話詩人遊孤山弔和靖者佳製不一而足近世徐抱獨之作人多稱之云咸平處士風流遠招得梅花枝上魂疎影暗香如昨日不知人世幾黃昏

仇遠稗史徐抱獨少與朱文公爲友公提舉浙東日過其家然燈夜話至鐘鳴而別公嘗托無競作謝恩表書云可放筆力稍低使人見之無假手之議也其推獎如此

按周密志雅堂雜鈔載紹定辛卯徐逸跋毛復父所藏盧鴻草堂圖自稱汝陽被褐公汝陽當是其郡望也

清平樂

見陽春白雪

風韶雨秀春色平分後  
陡頓故人疏把酒閑凭畫闌搔  
首爭須攜手蹋青人生幾度清明待得燕慵鶯懶楊  
花點點浮萍

曾原一

字子寔號蒼山贛州寧都人領鄉薦紹定中與戴石屏結江湖吟社

梅礪詩話曾原一七歲賦楊妃襪詩云萬騎西行駐馬嵬凌波曾此墮蒼埃誰知一掬香羅小踏轉開元宇宙來造語警拔寓意精深殊不類幼稚者

菩薩蠻

見陽春白雪

淡黃斜日留汀草簷低半露遙岑小病眼不禁愁闌干  
無數秋雁聲何處落舊夢還驚覺風重葛衣單深山

吹笛寒

小重山

薄雪初消銀月單疎疎浮竹影矮紅闌梅花夢裏落孤  
山禁人處霜重鼓聲寒 留取晚來看斑簾低小閣燭  
花殘一帆明日去滄灣空相憶雪浪月痕翻

謁金門

梅粉褪點點雨聲春恨半吐桃花芳意嫩草痕青寸寸  
把酒花邊低問莫解寒深紅損等待春風晴得穩琵琶  
重整頓

詞綜補遺卷九



詞綜補遺卷十

長洲 陶樸緝

宋詞七十一首

吳則禮 十二首

徐寶之 三首

施岳 五首

吳仲方 五首

徐照 五首

薛師石 六首

許玠 一首

趙與鉉 一首

王澡 二首

黃簡 三首

王同祖 三首

鄭楷 一首

朱藻 一首

黃時龍 三首

王 謚

七首

李霜涯

一首

許 棐

七首

趙浦夫

一首

趙野雲

一首

鄧有功

二首

林表民

一首

吳則禮

字子副富川人以父御史中復廕入仕官至  
秘閣知虢州晚居豫章自號北湖居士有北

湖集

五卷

四庫全書總目子副事跡僅見於陳振孫書  
錄解題今觀集中李長者像序署銜知嘗爲  
軍器監主簿又續百憂集行有疇昔罪臣投  
荆州之句則又以事遭貶也

江樓令

晚眺

凭欄試覓江樓句聽考考城頭暮鼓數騎翩翩度孤戍

盡雕弓白羽 平生正被儒冠誤待閒看將軍射虎朱  
檻蕭蕭過微雨送斜陽西去

虞美人 送晁適道

夜寒閒倚西樓月消盡江南雪東風明日木蘭船想見  
陽關聲徹雁連天 斜斜洲渚溶溶水端負青春醉平  
安小字幾時回空有暗香疎影隴頭梅

又 泛舟東下

從來強作游秦計只有貂裘敝休論范叔十年寒看取  
星星種種坐儒冠 江湖舊日漁竿手初把黃花酒且  
憑洛水送歸船想見淮南秋盡水如天

又

寄濟川

烏皮白氈西窗暖種種霜毛短小春何處有梅花想見  
水邊籬落數枝斜殊方他日登樓句好在孤吟處五  
年拚落醉魂中試覓酒爐陳跡問黃公

減字木蘭花

寄真寧

南雲不斷點綴南雲秋幾雁白露沾衣始是銀屏夢覺  
時別離懷抱消得鏡中青鬢老小字能無頻寄平安  
一紙書

又

斑斑小雨初入高梧黃葉暮又是重陽昨夜西風作許

涼 鮮鮮叢菊只解彫人雙鬢綠試傍清樽分付幽香  
與斷魂

又 貽亢之

淮山清夜鏡面平鋪纖月挂端是生還同倚西風十二  
欄 休論往事投老相逢真夢寐兩鬢踈踈好在松江  
一尺鱸

滿庭芳 立春

聲促銅壺灰飛玉琯夢驚偷換年華江南芳信踈影月  
橫斜又喜椒觴到手寶勝裏仍翦金花釵頭燕妝臺弄  
粉梅額故相誇 隼旟人未老東風嫋嫋已傍高牙漸

園林月永疊鼓凝笳小字新傳秀句歌扇底深把流霞  
聊行樂他時畫省歸近紫皇家

又 九日

玉壘金樽清秋關塞最宜催喚香醪涼風吹帽橫槊試  
登高想見征西舊事龍山會賓主俱豪來羣雁涼生畫  
角紅葉聚亭皋 南州應好在長關夢眼天際雲濤有  
一簪黃菊兩鬢霜毛快把金荷共倒凝望久只遣魂銷  
君須聽新翻宴樂餘韻響檀槽

醉落魄 賞殘梅

梅花褪雪賞心莫遣慵歡悅大家且恁同攀折餘蕊殘

英偏稱淡籠月 當初相見花爭發  
如今花謝人離缺  
一年又比一年別  
惟有花枝只是舊時節

雨中花 詠揚州梅

夢破淮南春信漸入江梅  
暗香初發  
乞與橫斜疎影爲  
憐清絕  
梁苑相如平生有賦  
未甘華髮  
便廣寒爭遣  
昭華驚怨  
詎妨輕折  
揚州二十四橋鼓吹不道  
畫樓聲歇  
生怕有江邊一樹要堆輕雪  
老去苦無歡事  
凌波空有纖襪  
恨無好語  
何郎風味  
定教誰說

聲聲慢 鳳林園

林塘朱夏雨過  
斑斑綠苔繞地  
初遍  
葉底雛鶯猶記日

斜春晚芙蕖靚妝紅粉傍高荷閑倚歌扇輕風起縠紋  
灩灩翠生波面 可是追涼月下清坐九微雲屢遮星  
漢露濕綸巾遙望玉清臺殿白頭共論勝事要須償五  
湖深願南枝好有南飛烏鵲繞枝低轉

徐寶之

字鼎夫號西麓  
理宗時貢士

按劉後邨送徐鼎夫用廬陵通守戴文韻詩  
有若棹扁舟見安道爲言歲晚習申韓之句  
知鼎夫嘗作客江右也

桂枝香

見陽春白雪

人間秋至對暮雨滿城沈思如水桐葉驚風似語怨蛩  
齊起南樓月冷曾多恨怕而今夜深橫吹那堪更聽蕭



蕭槭槭透窻搖睡 問楚夢閑雲何地但手約輕綃省  
人深意紅樹池塘誰見宿妝凝睇舊時裘馬行歌事合  
都歸汀蘋烟芷思王漸老休爲明璫沈吟洛涘

沁園春

春寒

水榭春寒梅雪漫堦竹雲墮墻數花時近也菜香芳徑  
舊時著處看月西窻十二樓中玉妃臥冷嬾掬燕支放  
海棠層隄外渺歸鴻無數江樹蒼蒼 席蓆夜禮東皇  
翦蕙葉爲牋當綠章道杏晴三月等鶯啼曉草烟萬里  
口鳩鳴芳九十日春三千丈髮如此愁來白更長江南  
岸正柳邊無路沙雨微茫

鶯啼序

荼蘼一番過雨洒殘花似雪向清曉步入東風細拾苔  
砌餘靨有數片飛霑翠柳縈迴半著雙歸蝶悄無人共  
立幽禽昵昵能說因念年華最苦易失對春愁暗結  
歎自古曾有佳人長門深閉修潔寄么弦千言萬語悶  
滿眼欲彈難徹靠珠櫺風雨微收落花時節春工漸  
老綠草連天別浦共一色但暮靄朝烟無際盡日目極  
江北江南杜鵑叫裂此時此意危魂黯黯渭城客舍青  
青樹問何人把酒來看別思量怎向遲回獨掩青扉夕  
陽猶照南陌春應記得舊日踈狂等受今磨折便永

謝五湖烟艇只有吟詩曲塢煎茶小窻眠月春還自省  
把融和事長留芳晝人間世與羈臣恨妾銷離側自題  
蕙葉回春坐聽蓬壺漏聲細咽

施岳

字仲山  
號梅川

武林舊事云施梅川吳人精于律呂其卒也  
楊守齋爲樹亭作亭薛梯爲誌其墓李質  
屠周草窻題薤葬于西湖虎頭巖下  
按蘋洲漁笛譜有次韻施仲山紫霞翁開讌  
梅邊齊天樂蒲節大聖樂諸詞是仲山與草  
窻同游守齋之門分題選韻角逐詞場爲一  
時盛事惜原詞諸選未收或卽在草窻所編  
缺數六首之內無從考補遂使珠璣零落爲  
可惜也

水龍吟

見絕妙好詞

翠熬湧出滄溟影橫棧壁迷煙墅樓臺對起闌干重凭  
山川自古梁苑平燕汴隄疎柳幾番晴雨看天低四遠  
江空萬里登臨處分吳楚兩岸花飛絮舞度春風滿  
城簫鼓英雄暗老昏潮曉汐歸帆過艣淮水東流塞雲  
北渡夕陽西去正淒涼望極中原路杳月來南浦

解語花

雲容冱雪莫色添寒樓臺共臨眺翠輦深宵無人處數  
蕊弄春猶小幽姿謾好遙相望含情一笑花解語因甚  
無言心事應難表莫待牆陰暗老稱琴邊月夜笛裏  
霜曉護香須早東風度咫尺畫欄瓊沼歸來夢繞歌雲

墜依然驚覺想恁時小几銀屏冷未了

蘭陵王

柳花白飛入青烟巷陌憑高處愁鎖斷橋十里東風正  
無力西湖路咫尺猶阻仙源信息傷心事還似去年中  
酒慊慊度寒食 閒窗掩春寂但粉指留紅茸睡凝碧  
歌塵不散蒙香澤念鸞孤金鏡雁空瑤瑟芳時涼夜盡  
怨憶夢魂省難覓 鱗鴻渺蹤跡縱羅幃親題錦字誰  
織緘情欲寄重城隔又流水斜照倦簫殘笛樓臺相望  
對暮色恨無極

曲遊春

清明湖上

畫舸西泠路占柳陰花影芳意如織小楫衝波度麴塵  
扇底粉香簾隙岸轉斜陽隔又過盡別船簫笛傍斷橋  
翠繞紅圍相對半篙晴色頃刻千山暮碧向沽酒樓  
前猶繫金勒乘月歸來正梨花夜綺海棠烟冪院宇明  
寒食醉乍醒一庭春寂任滿身露濕東風欲眠未得

步月  
茉莉

玉宇薰風寶階明月翠叢萬點晴雪煉霜不就散廣寒  
霏屑采珠蓓綠萼露滋噴銀艷小蓮冰潔花魂在纖指  
嫩痕素英重結枝頭香未絕還是過中秋丹桂時節  
醉矧冷境怕翻成消歇玩芳味春焙旋熏貯穠韻水沈

頻熬堪憐處輸與夜深睡蝶原註茉莉嶺表所產古今咏者不甚多文公會咏二絕句鄒道鄉亦會題咏此篇小蓮冰潔之句狀茉莉最佳此花四月間直至桂花時尙有玩芳味古人用此花焙茶故云

吳仲方

字季仁雷川人範七世孫仲學之兄有秋潭集

按季仁所撰虛齋樂府已佚今四庫所編江湖後集從永樂大典中錄出詞數首內鵲橋仙永遇樂兩闕詞錄以爲趙以夫作不復甄錄

漢宮春 次方時父元夕見寄

投老歸來記踏青隄上三度逢君寒窗冷淡活計明月  
空樽紅紅白白又一番春色撩人誰信道閒中天地園  
林幾見成塵 今夕偶無風雨便滿城簫鼓來往紛紛

言集不遺卷十  
鰲山寶燈照夜羅綺千門珠簾晝捲看娉婷水上行雲  
應自笑周郎少日風流羽扇綸巾

木蘭花慢

漳州元夕

玉梅吹霽雪覺和氣滿南州更連夕晴光一番小雨朝  
靄全收人情不知底事但黃童白叟總追遊駕海千尋  
綵袖漲空萬點星球風流秀色明眸金蓮步墮輕柔  
任往來燕席香風引舞清管隨謳何曾見癡太守已登  
車去也又遲留人似多情皓月十分照我登樓

夜飛鵲

七夕和方時父韵

微雲拂斜月萬籟聲沈涼露暗墜桐陰蛾眉乞得天孫



巧愔愔樓上穿鍼佳期鵲相報到年時此夕歡淺愁深  
人間兒女說風流到如今 河漢幾曾風浪因景物牽  
情自是人心長記秋庭往事鈿花剪翠釵股分金道人  
無著正蕭然竹枕練衾夢回時天淡星稀閒弄一曲瑤  
琴

賀新郎

送鄭怡山歸里

載酒陽關去正西湖連天野草滿天晴絮采翠拾芳遊  
冶處膾和嬌弦艷鼓看柳外畫船無數萬頃琉璃渾鏡  
爭陟風波洶洶魚龍舞談笑裏遽如許 流觴滿引澆  
離緒便東西斜陽立馬淥波前浦自是尊鱸高興動恰

言系補遺卷一  
值春山杜宇謾回首軟紅香霧咫尺佳人千里隔望空  
江明月橫洲渚清夢斷恨如縷

沁園春 自鄞歸賦

客問吾年吾將老矣今五十三似北海先生過之又過  
善財童子參到無參官路太行世情滄海何止稽康七  
不堪歸來也是休官令尹有髮瞿曇 千巖秀色如藍  
新著個樓兒恰對南看浮雲自在百般態度長江無際  
一碧虛涵荔子江珧蒚羹鱸膾一曲春風酒半酣憑欄  
處正流空皓月光滿寒潭

徐

照

字道輝又字靈暉號山民永嘉人與徐璣翁  
卷趙師秀號永嘉四靈詩工晚唐體有山民

集一卷

按趙紫芝清苑齋集喜徐道輝至云嗜茶身益瘦兼恐欲通神挽詞則云平日惟耽茗壺前種幾株徐靈淵贈道輝亦有詩清都爲飲茶多之句其癖固不在盧玉川下也

南歌子

見絕妙好詞

簾景筵金線爐烟裊翠絲菰芽新出滿盆池喚取玉瓶

添水買

一作養

魚兒

意取釵重碧慵梳髻翅垂相思無

處說相思笑把畫羅小扇覓春詞

清平樂

綠圍紅繞一枕屏山曉恁得今朝偏起早笑道牡丹開了  
迎人捲上珠簾小螺未拂眉尖貪教玉籠鸚鵡楊

言系不列卷一  
花飛滿妝奩

阮郎歸

綠楊庭戶靜沈沈楊花吹滿襟晚來閒向水邊尋驚飛  
雙浴禽 分別後重登臨暮雲天氣陰妾心移得在君  
心方知人恨深

玉樓春

見陽春白雪

螢飛月裏無光色波水不搖樓影直每憐宿粉浣啼痕  
嬾把舊書觀字跡 枯荷露重時聞滴君夢不來誰阻  
隔妾身不畏浙江風飛去飛來方瞬息

瑞鷓鴣

雨多庭石上苔紋門外春光老幾分爲把舊書藏寶帶  
誤翻殘酒濕綃綾風頭花片難裝綴愁裏鶯聲怯聽  
聞恰似剪刀裁破恨半隨妾處半隨君

薛師石

字景石永嘉人歟文待制弼曾孫隱居不仕築屋會昌湖西名曰瓜廬有瓜廬集一卷

王綽薛瓜廬墓誌景石小楷初授法于單炳文日經月緯已忽超詣落筆期于鍾王之次籀篆斯隸深造其極四方士友求于門景石不靳惜畀之銘祖父有不得景石書爲恨按趙紫芝題薛氏瓜廬云惟應種瓜事猶被讀書分徐靈暉云自鋤畦上草不放手中書徐靈淵云因看瓜蔓吐識得道心長趙汝回序稱瓜廬與四靈聚吟獨主古淡神悟意到自然清空不似四靈之刻苦也

漁歌子

見宋百家詩存

十載江湖不上船捲簾高卧月明天  
今夜泊杏花灣只  
有零簪當酒錢

又

鄰家船上小姑娘兒相問如何是別離  
雙墮髻一灣眉愛  
看紅鱗比目魚

又

平湖霧靄雨初晴兒子敲針作釣成  
香餌小繭絲輕釣  
得魚兒不識名

又

春融水暖百花開獨棹扁舟過釣臺  
鷗與鷺莫相猜不

是逃名不肯來

又

夜來采石渡頭眠月下相逢李謫仙歌一曲別無言白  
鶴飛來雪滿舟

又

莫論輕重釣竿頭伴得船歸卽便休酒味薄勝空甌事  
事何須著意求

許

玠

字介之襄邑人有東溪詩藁

雪磯叢藁題許介之譽文堂詩序端平丙申  
桂林伯尙書鍾公以遺逸薦東溪先生許侯  
於朝越明年得旨補初品官衡州戶掾誥詞  
有夙有譽處且嫻文詞之褒州里人士莫不

策之又明年許侯乃於東溪之濱創堂五間以爲講道著書之地仍摘天語譽文二字以張其名敬上賜也

劉後村云端平以來與江西會無疑金華杜叔高九華葉子真同聘召之士有衡陽許介之蓋介之南渡寓家衡陽晚年始被召也

菩薩蠻

見陽春白雪

西風又轉蘆花雪故人猶隔關山月金雁一聲悲玉腮

雙淚垂

繡衾寒不暖愁遠天無岸夜夜卜燈花幾時

郎到家

趙與鉞

詞本誤作鉞字慶御號崑崙宋史宗室世系表燕王十世孫希沂第三子

謁金門

見絕妙好詞

歸去去風急蘭舟不住夢裏海棠花下語醒來無覓處



薄倖心情似絮長是輕分輕聚待得來時春幾許綠

陰三月暮

王

澡

字身甫初名津字子知寧海人官太常博士有瓦全集

方岳深雪偶談太常博士瓦全王先生有落梅小詞云云劉公潛夫已附於後邨集詩話子亦僭附之拙藁先生文行表表一詞固何足爲軒輊也予少時卽登門以先公同生丙戌且相友善之故遂辱世先公墓銘誌中有文不逮岳而岳強以銘之語當知前輩獎掖後進有如此也

霜天曉角

梅

見陽春白雪

疎明瘦直不受東皇識留與

老學叢談作取

伴春應肯干紅底

怎著得

夜色何處笛曉寒無奈力飛入

叢談作若在

壽陽

宮裏一點點有人惜

祝英臺近

別詞

見浩然齋雅談

玉東西歌宛轉未做苦離調著上征衫字字是愁抱月  
寒鬢影刁蕭舵樓開纜記柳暗乳鴉啼曉短亭草還  
是綠與春歸羅屏夢空好燕語難憑憔悴未渠了可能  
妒柳羞花起來渾嬾便瘦也教春知道

黃

簡

一名居簡字元易  
號東浦建安人

文肇祖虎邱志居簡工詩嘉熙中卒通判翁  
逢龍獎之虎邱王整姑蘇志漳潭陳氏北園  
范石湖書扁東浦黃簡爲記  
前賢小集拾遺載黃元易秋懷寄陳宗之云  
秋聲四壁動寒事日駸駸紅剝林間子青除  
架底陰積閒殊有味安拙本無心獨媿陳徵

士賒書不問金

柳梢青

見絕妙好詞

病酒心情喚愁無限可奈流鶯又是一年花驚寒食柳  
認清明 天涯翠巘層層是多少長亭短亭倦倚東風  
只憑好夢飛到銀屏

玉樓春

龜紋曉扇堆雲母日上綵闌新過雨眉心猶帶寶觥醒  
耳性已通銀字譜 密奩綵索看看午暈素分紅能幾  
許妝成按鏡問春風比似庭花誰解語

眼兒媚

見陽春白雪

畫樓瀕水翠梧陰清夜理瑤琴打窗風雨逼簾烟月種  
種關心 當時不道春無價幽夢費重尋難忘最是鮫  
綃暈滿蟬錦香沈

王同祖

字與之號花洲金華人淳祐中建康府通  
判添差沿江制置司有學詩初稿一卷  
按同祖學詩初稿自述髫髻侍父宦遊弱冠  
入金陵制幕以橐中歲月考之爲理宗嘉熙  
戊戌其秋日書事云幕府秋來事更多夜深  
猶自擬諸窠平安號火新來急虜騎連宵已  
渡河自註制閣諸案大則日房小則日窠蓋  
倣朝廷之制又云點盡官軍點到民三千新  
遣殿司兵流移更講關防策預結強丁戍列  
營自註流民強壯預爲未然慮置勇士一軍  
團結之又云哨馬紛紛一水間渡頭分戍要  
防姦可憐生計漁舟者官給旗牌禁往還自  
註諸渡遣官戍之以爲禁姦之防至於漁舟  
亦自官給黃旗黑牌以考驗又云明朝玉帳

過江邊騎卒行營一日先出得公庭天向夜  
通宵人散起家錢自註元帥江行騎卒遣幕  
中通夜散起家錢於諸營皆足以考驗當時  
軍制至冬日書事則紀杜制帥之援合肥陳  
廣之殉節滁州又慨乎其言之矣

阮郎歸

見陽春白雪

一簾疎雨細於塵春寒愁殺人桐花庭院近清明新烟  
浮舊城尋蝶夢怯鶯聲柳絲如妾情丙丁帖子畫教  
成粧臺求晚晴

西江月

往事星移物換舊時雨冷雲沈真娘墓草幾回青問著  
寒潮不應何處芙蓉別館依前楊柳離亭東風吹淚

入重扁爲喚香魂教醒

摸魚兒

記年時荔支香裡深紅一片成陣迎風浴露精神爽誰  
似阿嬌丰韻黃昏近望翠幙玳席粉面雲鬟映嬌波微  
瞬向燭影交和歌聲閒繞私語畫欄並佳期事好處  
天還慳客鶯啼燕語無定一輪明月人千里空夢雲溫  
雨潤蕭郎病恨天闊鴻稀杳杳沈芳訊日長人靜但時  
把好山學他媚嫵偷就眉峯印

鄭楷

字持正號眉齋三山人

按元樊雪舟士寬輯文章善戲有持正所作  
文房擬制表一卷

訴衷情

見絕妙好詞

酒旗搖曳柳花天  
鶯語軟于綿  
碎綠未盈方沼  
倒影蘸秋千  
奩玉燕套金蟬  
負華年  
試問歸期是  
酴醿後是牡丹前

朱藻

字野逸

周伯弼端平詩雋贈堃逸云時康難售賈生  
醫諫鼓無聲對落暉又報一年花信了滿山  
鶻鴂送春歸悠悠行路雪侵頭擬出重關洗  
散裘隄上忽逢憔悴客背花停酒說通州

採桑子

見絕妙好詞

障泥油壁人歸後  
滿院花陰樓影沈沈  
中有傷春一片  
心閒穿綠樹尋梅子  
斜日籠明團扇風輕  
一徑楊花

不避人

黃時龍

字同甫  
號野橋

端平詩傳送黃同甫詩云人生各有安出易  
欲歸難古道春泥重孤城暮雪寒酒鋒精似  
將詩案遠於官野穀如堪飽從君借鶡冠

浣溪紗

見陽春白雪

雨歇花梢月正明  
映簾人靜繡燈昏  
鴛央成字便停針  
笑啓玉奩明酒暈  
緩尋金葉熨香心  
一春情緒此時  
深

夜行船

十四絃聲猶未斷  
星月上西墻  
一半卻手休彈  
含情微



妬報道春宵短 銀燭紗籠須早辦  
不住地金蕉催勸 別院人歸小  
窗燈靜自把花枝看

虞美人

捲簾人出身如燕 燭底粉粧明艷  
羯鼓初催按六么無 限春嬌都上舞  
褰腰 畫堂深窈親曾見宛轉楚波如  
怨小立花心曲未終一把柳絲無力倚東風

王

謚

字子信自號畫溪吟客陽  
羨人著有潛泉蛙吹集

按曹庭棟宋百家詩存誤收漁父詞入薛嵎  
雲泉集今從江湖後集改正

漁父詞

嘉熙戊戌季春一日爲亞愚詩禪上人作

蘭芷流來水亦香 滿汀鷗鷺動斜陽  
聲欸乃闖鳴榔 儂

言集補遺卷一  
家只住岸西傍

又

翁嫗齊眉婦亦賢  
小姑顏貌正笄年  
頭髮亂髻鬟偏愛  
把花枝立柁前

又

湘妃淚染竹痕斑  
風雨連朝下釣難  
春浪急石磯寒買  
得茅柴味亦酸

又

滿湖飛雪攪長空  
急起呼兒上短篷  
簑笠具畫圖同鐵  
笛聲長曲未終

又

離騷讀罷怨聲聲  
曾向江邊問屈平  
醒還醉醉還醒笑  
指滄浪可濯纓

又

白髮鞦韆不記年  
扁舟泊在荻花邊  
天上月水中天  
夜夜烟波得意眠

又

只在青山可卜鄰  
妻兒語笑意全真  
休識字莫嫌貧  
方是安閒第一人

李霜涯

陳耀文花草粹編西湖雖有山泉而大旱亦  
嘗龜坼嘉熙庚子水涸茂草生焉祈雨無應  
李戲作此邏者廉捕之不得  
武林舊事諸色技藝人李霜涯作賺絕倫

晴偏好

平湖千頃生芳草芙蓉不照紅顛倒東坡道波光潏潏

晴偏好

許

裴

字忱夫海鹽人嘉熙中隱居  
居秦溪有梅屋詩餘一卷

按忱夫室中懸白香山蘇東坡二像事之嘗  
云四壁天地萬卷春風庾嶺香孤山玉洵樂  
而可以忘死其自序藏書目云子性喜書舊  
積書千餘卷今不啻倍之人有奇編見無不  
錄以故環室皆書今卽老而貧乎而人不鄙  
夷予之貧鬼不拂揄予之貧皆書賜也

鷓鴣天

見絕妙好詞

翠鳳金鸞繡欲成  
沈香亭下款新晴  
綠隨楊柳陰邊去  
紅踏桃花片上行  
鶯意緒蝶心情  
一時分付小銀箏  
歸來玉醉花柔困  
月瀉窻紗約半更

後庭花

一春不識西湖面  
翠羞紅倦雨窻和淚搖  
湘管意長牋短  
知心惟有雕梁燕  
自來相伴東風不管琵琶怨  
落花吹遍

滿宮春

見梅屋詩餘

嬾搏香幄弄粉猶帶淺醒微困  
金鞍何處掠新歡倩燕  
鶯尋問柳供愁花獻恨  
袞袞獵紅成陣  
碧樓能有幾

詞綺補遺卷十  
九  
番春又是一番春盡

虞美人

杏花窻底人中酒花事人相守簾衣不肯護春寒一聲  
嬌嚏兩眉攢擁衾眠明朝又有秋千約恐未忺梳掠  
倩誰傳語畫樓風略吹絲雨濕春紅絆游蹤

山花子

接柳揉花旋染衣絲絲紅翠撲春輝羅綺叢中無此艷  
小西施腰細最便圓舞帕袖寒時復罩香區誤點一  
痕殘粉淚怕人知

琴調相思引

見陽春白雪

紅繡盈箱錦滿機倩誰縫作護花衣恐花飛去無復上  
芳枝已恨遠山迷望眼不須更畫遠山眉正無聊賴  
花外一鳩啼

清平樂

鳳雙鸞偶天上人間有簷玉無聲花影瘦夜淺春濃時  
候別來幾度寒宵六橋風月迢迢燈下有誰相伴一  
方紅濕鮫綃

趙浦夫

號竹潭郎國公德鈞之  
後見宋宗室世系表

許棐梅屋小橐送趙竹潭詩云已強詩仙一  
夜留任教侵早放船休恨身不似梅花片飛  
入寒篷伴遠游

謁金門

見陽春白雪

天色晚雲外一箏斜雁獨凭闌千秋滿眼菊花寒尙淺  
葉落香篝紅泛懶把新詩題怨何處笛聲三弄斷月  
遲簾未卷

趙野雲

梅屋小橐贈趙野雲詩云載雨鴛雷翻覆頃  
漏星藏月卷舒間若將雲與詩人比正恐雲  
無日日閑

點絳脣

見陽春白雪

又是年時冷烟寒食梨花院柳金拖線一曲珠歌轉  
翠碧雕梁風軟簾通燕何須勸酒豪詩健逸韵今重見



鄧有功

字子大號月巢南豐人有月巢遺稿

隱居通議吾鄉前輩鄧子大心事粹美詩才清婉嘗有玉山道上一絕曰玉溪溪上雨聲乾日暮東風客衲寒數樹梅花吹作雪行人猶自倚闌干其情致殊瀟灑平生所作甚多家學斷絕無能存其槩者今所錄徒得之疇昔記誦而又缺落不完可歎也喜作長短句如點絳脣過秦樓云云詞旨流麗工于言情少舉進士累試禮部不中以恩補迪功郎爲撫州金谿尉得年七十以卒後學尊曰月巢先生

點絳脣

捲上珠簾晚來一陣東風惡客懷蕭索看盡殘花落

自把銀瓶買酒成孤酌傷漂泊信音難托悶倚闌干角

過秦樓

燕蹴飛紅鶯遷新綠幾陣晚來風急謝家池館金谷園  
林還又把春虛擲年時恨雨愁雲物換星移有誰曾憶  
把一樽試酌落花芳草總成塵跡 頻自笑流浪孤萍  
沾泥弱絮有底困春無力銀屏香燼寶簾波寒又負月  
明今夕往事夢裡沈思惟有羅衾淚痕猶濕奈垂楊萬  
里不繫西風白日

林表民

師蘇子東魯人寓居  
臨海有玉溪吟稿

按江湖後集及吳子良赤城續志序稱表民  
博物洽聞嘗續修赤城志及天台續集別編  
跋中紀年淳祐庚戌則爲理宗時人又林逢  
吉有和梅仲潛金山弔東魯林表民詩蓋客  
游而歿于邸舍者也

玉漏遲

和趙立之

見陽春白雪

並湖遊冶路垂堤萬柳麴塵籠霧艸色將春離思暗傷  
南浦舊日惜惜坊陌尙想得畫樓窗戶成遠阻鳳箋空  
寄燕梁何許 淒涼瘦損文園記翠管聯吟玉壺通語  
事逐征鴻幾度悲歡休數鶯碎亂花深裏悄難替愁人  
分訴空院宇東風晚來吹雨

詞綜補遺卷十